



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LESIBILI (P2)

NOVEMBA 2015

IMITLOMELO: 70

ISIKHATHI: Ama-iri ama-2

Iphepheli linamakhasi ali-14.

YELELA

1. Umfundi kufanele afunde ikhaseli ngokukhulu ukuyeleta ngaphambi kobana aphendule imibuzo.
2. Ungalingi ufunde iphepha lemibuzo loke. Qala ikhasi lokumunyethweko elisekhasini elilandelako bese utshwaya iinomboro zemibuzo ebuzweko ngeencwadi ozifundileko kilomnyaka. Ngemuva kwalapho, funda imibuzo le bese ukhetha leyo ofisa ukuyiphendula.
3. Iphepheli LINEENGABA EZINTATHU:

ISIGABA A:	Inovela	(35)
ISIGABA B:	lindaba ezifitjhani	(35)
ISIGABA C:	linkondlo	(35)
4. Landela imiyalo onikelwe yona ekuthomeni kwaleso naleso sigaba ngokuyeleta okukhulu.
5. Khetha IINGABA EZIMBILI uphendule ngazo.

Phendula yoke imibuzo kuSIGABA A nakuSIGABA C.

NOFANA

Phendula yoke imibuzo kuSIGABA B nakuSIGABA C.

NOFANA

Phendula yoke imibuzo kuSIGABA A nakuSIGABA B.

6. Sebenzisa irhelo lokuhlola ukuqinisekisa bona yoke imibuzo uyiphendulile.
7. Tlola iinomboro zeempendulo njengombana zinjalo ephepheni lemibuzo.
8. Thoma isigaba ESINYE NESINYE ekhansi ELITJHA.
9. Isikhathi esiphakanyisweko sokuphendula isigaba ngasinye:

ISIGABA A:	Pheze imizuzu ema-60
ISIGABA B:	Pheze imizuzu ema-60
ISIGABA C:	Pheze imizuzu ema-60

IKHASI LETHEYIBULA LOKUMUNYETHWEKO:

Abafundi bayeleliswa bona baphendule yoke imibuzo.

ISIGABA A: INOVELA

Phendula YOKE imibuzo.

INOMBORO YOMBUZO	IMITLOMELO	INOMBORO YEKHASI
1.1 <i>UBonakele</i>	18	5
1.2 <i>UBonakele</i>	17	6

ISIGABA B: IINDABA EZIFITJHANI – UZANGENZANI

Phendula YOKE imibuzo.

2. 'Uzangenzani'	17	8
3. 'Ukukhamba Kubona'	18	9

ISIGABA C: IIINKONDLO

Phendula YOKE imibuzo.

4. 'Ngitlhuvile'	17	11
5. 'Licimile llanga'	18	13

IRHELO LOKUQINISEKISA

Tlola itshwayo (✓) erhelweni lokuqinisekisa elilandelako ukuhlola bona uphendule yoke imibuzo elindelekileko.

ISIGABA	IINOMBORO ZEMIBUZO	INANI LEMIBUZO EZOKUPHENDULWA	ITSHWAYO (✓)
ISIGABA A:			
UMBUZO 1.1 UMBUZO 1.2	1.1.1–1.1.10 1.2.1–1.2.10	2	
ISIGABA B:			
UMBUZO 2 UMBUZO 3	2.1–2.11 3.1–3.11	2	
ISIGABA C:			
UMBUZO 4 UMBUZO 5	4.1– 4–11 5.1– 5.10	2	

ISIGABA A: INOVELA

Phendula YOKE imibuzo.

UMBUZO 1: UBONAKELE – M Sikosana

- 1.1 Fundisa isiqetjhana esingenzasi bese uphendula imibuzo elandelako.

UBonakele kwafanele bona athome isikolo phasi afunde nabentwana abafunda umnyaka wokuthoma. UBonakele waphuma esikolweni lokha nakasenza ibanga lesibili kodwana ngebanga lokobana bekanganabo ubufakazi bokobana ugcine ebangeni lesibili, kwafanele bona athome phasi. Abantwana abafunda ibanga lesibili nelokuthoma khabe bavame ukudlala ngoBonakele ngombana bambona angasuthi sidlhadlha njengombana afunda nabentwana abancancani nje. Bambize ngokobana ngutitjhore wabantwana afunda nabo. Iminyaka yakhe yobudala khabe seyilitjhumi nantathu ngesikhathi angena isikolo lapha eBenoni.

Abotitjhore boke kade bamthanda khulu uBonakele. Batjho nokutjho bonyana umsanyana onehlonipho nowenza kuhle umsebenzakhe. Utitjhorehloko wesikolo wathembisa uBonakele bonyana nakaziphethe ngendlela aziphethe ngayo le, angekhe waphela umnyaka angakamkhuphuleli ebangeni eliphezudlwana kunaleli akade akilo. UBonakele ngokubona indlela abamphethe ngayo lapha kwaMbuyiseli nesikolweni, kwamenza bona alibale kancani bazali bakhe. Umzimba wakhe nawo wathoma ukuthabisa kubonakala bonyana udra kusale lapha kwaMbuyiseli.

Nabentwana besikolo bathoma ukubona bonyana uBonakele lo akasiso isidlhayela njengombana bebacabanga ngombana nemdlalweni bekadlala khulu akhombisa nokubathabela abanye abantwana. Ngendlela uBonakele aziphethe ngayo nalalela ngayo, anehlonipho ngayo lapha kwaMbuyiseli, lokho kwenza bona unomzana uMbuyiseli amthande khulu.

[Ikhasi 13–14]

- 1.1.1 Tlolisa isibongo sakonomzana owamukela uBonakele nakasuka ehlathini leBenoni. (1)
- 1.1.2 Tlolisa amabizo wabantwana bakanomzana owamukela uBonakele nakasuka ehlathini. (2)
- 1.1.3 Rhunyeza ngephuzu ELILODWA indlela uBonakele amukelwa ngayo emzini lowo ahlala kiwo nakasuka ehlathini. (2)
- 1.1.4 Tlolisa umehluko phakathi kwendlela uNaSilombo aphatha ngayo uBonakele nendlela aphatha ngayo uBafunani. Ipendulwakho ayibe liphuzu ELILODWA. (2)
- 1.1.5 Hlathulula irarano elaba khona hlangana noBonakele nomndeni ahlala nawo nakasuka ehlathini. (2)

- 1.1.6 Madanisa imikghwa kaNaSilombo neyakaNaMndebele, uqalisise khulukhulu indlela ebebaphatha ngayo uMahlangu. Tlola amaphuzu AMABILI. (2)
- 1.1.7 Ukungasikimi kwakaMahlangu ayokufuna umndenakhe kumveza amlingisi onjani? Tlola iphuzu ELILODWA. (1)
- 1.1.8 Ukulwa kwakaBonakele nabesana beDaveyton naboNduku esiteyitjhini ngikho okwaletha ipumelelo epilwenakhe. Sekela isitatimendesi ngephuzu ELILODWA. (2)
- 1.1.9 Indaba yokobana uNaSilombo wayefuna ukubulala umntwana kaBafunani ngebanga lobujamo abe aqalane nabo iyakholwekanofana ayikholweki? Sekela ipendulwakho ngephuzu ELILODWA. (2)
- 1.1.10 Ngokubona kwakho ingabe bekufanele bona uBonakele amqothe uNaSilombo nasele abuyele eSiyabuswa? Sekela ipendulwakho ngephuzu ELILODWA. (2)
- 1.2 Fundisia isiqetjhana esingenzasi bese uphendula imibuzo elandelako.

UBonakele akhambe ngokukhulu ukunakekela aze ayokufika emarageni. Afumane ibadi lilodlhelwe livalwe nangeensimbi. Kungamrari lokho ngombana vele khabe asazi bonyana kuyalodlhelwa ngebusuku. Waqalaqala ngapha nangapha, wabona umtato. Akhange asabuza, wadobha isimbi wawusika ngayo. Khona nakungenzeka avuke umatjingelani angekhe aphumelele bona abize amapholisa ngokuwadosela umtato.

Kuthe kusenjalo uBonakele asese phezulu, aqunta umtato, kwavela umnikazi wemarageni. 'Kwenzhenjani? Ungabe usasikinyeka. Jama khona lapho ngibe ngifike lapho ndoda!' Kwatjho umnikazi walapho. UBonakele akhange athande ukobana unomzana lo ambone ngombana bayazana, uhle asiza azokuthenga amahabhula khona lapha. Wavele wayilisa isimbi agade ayiphethe. Yatjho yahlala yaphelela ebusweni bendoda, yaphoseka phasi ngasuthi bayidumuze ngesigidi.

Azange kube khona itjhada, koke kwenzeka msinyana nje. UBonakele wabona bonyana ube netjhudu ngombana yathi bona iwe indoda le, uBonakele wagijimela ngeenkhwanyeni zayo. Wathatha iinlodlhelo wenza umsebenzi wakhe awuzele lapha. Tjhudu lelo likaBonakele, akhange abonwe mumuntu wabe wayokutjhinga nengolovana ezele amabhoksi amathathu wamahabhula.

UBonakele warhabe wakhumbula bonyana nakangakhamba nengolovana le abe ayokufika lapha ahlala khona, amapholisa angahle amfumane lula khulu.

[Ikhasi 41–42]

- 1.2.1 Wawuhlalaphi umndeni kaBonakele? (1)

- 1.2.2 Rhunyeza ngephuzu ELILODWA isizathu esenza bona uBonakele azifumane sele ayokweba emarageni. (2)
- 1.2.3 Tlola isizathu esenza bona uBonakele akhuphe iinkhiya esikhwanyeni somnikazi wemaraga. (2)
- 1.2.4 Wawathutha njani uBonakele amahabhula ngemva kokutjhiya ingolovana hlangana nemizi? (1)
- 1.2.5 Hlathulula unobangela wokubotjhwa kwakaMahlangu nakayokufuna umndenakhe eBenoni. (1)
- 1.2.6 Ingabe kuliqiniso kangangani bona uBonakele umlingisi ohlakaniphileko khulukhulu nawuqualise ebujameni bepilo yakhe nakasahlala eDaveyton? Sekela ipendulwakho ngamaphuzu AMABILI. (2)
- 1.2.7 Izenzo zakaDabula oyindodana yalapha bekuqatjhe khona uBonakele zimveza amumuntu onjani? (2)
- 1.2.8 Ucabanga bona kuyokwenzakalani ngoNaSilombo nasele aqotjhiwe emzini kaMahlangu? (2)
- 1.2.9 Ingabe kuyinto ehlenofana akusiyinto ehleyokobana uNaSilombo angabiki umlandu wokuzithwala kwakaBafunani ebabelethini bakaThokozani, uqualise ebujameni bepilo yanamhlanje nekambisweni yesintu? Sekela ipendulwakho ngephuzu ELILODWA. (2)
- 1.2.10 Coca ngokuphumelela komtloli ukusiphethela inovela le. (2)

IMITLOMELO YESIGABA A: **35**

ISIGABA B: IINDABA EZIFITJHANI

Phendula YOKE imibuzo.

UMBUZO 2: UZANGENZANI – DM Jiyane, PB Skhosana, BD Masango**'Uzangenzani'**

Fundisa isiqetjhana esingenzasi bese uphendula imibuzo elandelako.

UTjhejeni asilingeke khulu abone bona nangaragela phambili nekulomo kuzokonakala azisole selenze umlandu. Aphumele ngaphandle alise nokuyohlanza ikoloyi. Ayizamulise kanye anqophe emaplasini ayozifunela umsuqwya athi uzokunonisa ngawo esivanden semirorho. Yena usikhuthali umkghwakhe begodu unommoya ophasi. Ukhamba nje ihliziyo iyafutha nengqondo ikghwakghwatha kude ibuye ithi dhla dhla la nale. Kunjalo ukuthatha, abantu abandisi ukuthomana ngobunjalo babo. 'Hu! Asazi madoda! Uyazi ngathi ngiyathatha ngaphekisa abangathini. Nanjalo bekamumuntu kangangani nangisamsomako'.

Utjho abantazana! Uyazi baqinisile nabathi ukungazi kufana nokungaboni. Umfazi lo kubayini qobe kusikinyeka uya ekhabo? Nakungasijalo bekhabo balapha. Okungirarako kukuthi bekhaya nabalapha udubhula adose umlomo ube ngangeso. Baqinisile abadala nabathi umendo awuthunyelwa khondlo. Wo! Sengiyabona kwanjesi, mhlamunye kade angibhodabhoda ngeenhlahla.'Kubenjani azisasebenzi uyongithakela ngobutjha'.

He! Konje banjalo abanye abafazi, bayakuthanda ukufaka amadoda intasinga ... konje bathi yini nje? Mku ... nx! ... Konje yini kanti? Wo! Yikorobela. Unamala-ke lapho, angeze akubona lapha kimi. Ha! Uhlangene neembila zithutha zidoswa ngemhlophe phambili. Afake bani? Mina? Pthu! Naka. 'Utjho ukhafula amathe akhambisana nesilukuhla sesikhohlela'. Nami angingavumeli usathane adlale ngami. Nasibuyela eqinisweni wenziwa nakukuthi ekhabo bayamumela. Angithi yingonongono nekakha ipera kaS'diya.

[Ikhasi 3–4]

- | | | |
|-----|--|-----|
| 2.1 | Uyini unobangela wokobana uTjhejeni aphumele ngaphandle? | (1) |
| 2.2 | Dzubhula amagama asesiqetjhaneni atjho bona uTjhejeni uyazisola ngokuthatha uNomoya. | (1) |
| 2.3 | Ngokurhunyezweko tlola bona wasale wenzani uNomoya bona uTjhejeni akhambe. | (2) |
| 2.4 | Hlathulula isehlakalo esavelela uSponono. | (1) |
| 2.5 | Ngubani igama lekuwa abalibawa bona libasize ngesehlakalo esavelela uSponono? | (1) |
| 2.6 | Ingabe isenzo sakaNomoya sokukhamba ngekani aye ekhabo ngaphandle kwemvumo yendodakwakhe sisivezelani ngesimilo sakhe. | (1) |

- 2.7 Phendula ngoLIQINISOnofana AKUSILO IQINISO bese usekela isiqunto osithathako.
UNomoya uya kwabo ngombana ahlulukele bakwabo. (2)
- 2.8 Unina kaNomoya uyazithanda iinyanga. Sekela ipendulwakho ngezehlakalo EZIMBILI ezisekela isitativendesi. (2)
- 2.9 Ingabe isenzo sakayise kaNomoya sokumsola ngokubuya ekhabo msinya begodu akhamba yedwa sisitjelani ngoyise. (2)
- 2.10 Ngisiphi isifundo ositholako ngesehlakalo esivelele uNomoya sokobana uSponono agcine awele ngemanzini abe ahlongakale? Ipendulo ayibe liphuzu ELILODWA. (2)
- 2.11 Ngowakho umbono ingabe indlela uNomoya aziphatha ngayo iyamuкеleka nofana ayamuкеleki? Sekela ipendulwakho ngephuzu ELILODWA. (2)

[17]

KANYE**UMBUZO 3: UZANGENZANI – DM Jiyane, PB Skhosana, BD Masango****'Ukukhamba Kubona'**

Fundisa isiqetjhana esingenzasi bese uphendula imibuzo elandelako.

Aduleke phasi uMatjhiyana. Avuke msinyana eze bona sebayithathe yoke imali egade ingesikhwanyeni. Abone bona kufanele alwe kwamambala khona azokuphephisa ipilo yakhe. Athome ukurarha kwanje, abe asawule nangepama amukule omunye ngehlanakela kuvuleke indawo abone enganatjani. Wagijima njalo eza ihlombe lakhe langesinceleni lithola amakhaza kodwana isikhathi sokuphatha eze singekho. Okwakhe kwaba kukobana ungena nini ngekamurwini lakhe aphumule.

UMatjhiyana akasezwa ngitjho nokutswitswiza kwesifuba sakhe ngebanga lokuthuka. Wanele ukungena ngekamurwini lakhe amanzi ehla njalo angena ngebhrugwini waya esibonibonini, wabona bonyana ziingazi. Kumkhanyele bona iinrwerwe ziqabule ngaye namhlanje. Abethe umrhala abize besizo lokuthoma elingaphakathi emabaleni weMgababa. Akhange bathathe isikhathi bangena baphelele ngamakhathakhatha wabo wamanceba. Balihlanze msinya inceba lakhe benzela bona angaphumi iingazi ezinengi bebalithunge. Walala angakalali mhlokho acabanga lokhu okumveleleko.

Okumrara khulu kukobanya azange ahlatjwa ngomukhwa asakhula. Kodwana namhlanje uhlatjwa aliqhegu elingaka. Kukhulu okuzakumehlela kungcono agoduke. Kwathi kusa langeLesine indlela yaziwa nguye. Wathi angangena ebhesini wakhetha indawo yangemuva khona azakubabona kuhle boke abantu abakhona. Abantu ngebhesini kade badla iindaba kumnandi kuhlekwa kuvele lomhlathi.

UMatjhiyana wabathulile angasezwa ngitjho nepukani nayihlala phezu kwakhe, azwelele ukunghanghabala kwenceba.

[Ikhasi 73–74]

- 3.1 Ngokuya ngesiqetjhana esingehla kuthiwa yini eyabangela bona uMatjhiyana agcine aduleke phasi? (1)

- 3.2 Tlola ibizo lomunye wabesana obegade alwa noMatjhiyana. (1)
- 3.3 Ingabe khuyini lokho uMatjhiyana akufumana kungasekho esikhwanyeni sakhe nakavuka phasi? (1)
- 3.4 Rhunyeza ngomuda OWODWA lokho okwenziwa nguMatjhiyana ukuze azilamulele ebasaneni abamsahlelakwaba. (2)
- 3.5 Ngokurhunyezweko tlola bona kwenzekani kuMatjhiyana nakafika ehotela emva kokusahlelwa besana. (2)
- 3.6 Hlathulula unobangela owenza bona uMatjhiyana athathe ikhambo lokuya eholideyini? (2)
- 3.7 Umtloli uveze uMatjhiyana amlingisi onemali. Sekela isitatimendesi ngamaphuzu AMABILI. (2)
- 3.8 Phendula ngoLIQINISOnofana AKUSILO IQINISO bese usekela ipendulwakho ngephuzu ELILODWA.
Isenzo sakaMatjhiyana sokuvakatjha atjhiye umndenakhe simveza njengomuntu ongathandi umndenakhe. (2)
- 3.9 Khetha ipendulo enembako kilezi ezilandelako.
- UMatjhiyana nakafika kwakhe abuya eholideyini wathi 'ukukhamba kubona' okuhlathulula bona ...
- A Wakhamba kamnandi ngebhesi.
B Ekukhambeni ubona izinto ezihle kwaphela.
C Kufanele ungayi endaweni ongayaziko.
D Wavelelwa yinto ebuhlungu asekukhambeni. (1)
- 3.10 Coca ngommoya ovezwe mtloli endatjaneni le. Sekela ipendulwakho ngephuzu ELILODWA. (2)
- 3.11 Ingabe uyazwelananofana awuzwelani noMatjhiyana ngalokho okumvelele ekhambeni lakhe? Sekela ipendulwakho ngephuzu ELILODWA. (2)

[18]

IMITLOMELO YESIGABA B: 35

ISIGABA C: IINKONDLO

Kilesisigaba phendula yoke imibuzo.

UMBUZO 4

Fundisa ikondlo engenzasi bese uphendula imibuzo elandelako.

NGITLUWILE – JN Malobola

- 1 Ngijamile ngithule ngithe du,
- 2 Ngijame nje ngiyaqalaqala;
- 3 Ngiqalaqala ummango,
- 4 Imimmango engakhe ngayikhamba.
- 5 Namhlanje ngithuwile,
- 6 Amahlathi nemimmango kuyile,
- 7 Kuye akusabonakali nomfuyi,
- 8 Sese ngijame ngibambeke njengomloyi.
- 9 Emmangweni kwakulila imitshere,
- 10 Kwakulila iketezi nokhubayi,
- 11 Kwakumimihla yethando elalivutha komlilo,
- 12 Libopha abantu ikatha.
- 13 Imirwibili itjhagala emahlathini,
- 14 Ibetha imilozi njengeentjheli
- 15 Zisoma imidzidhla
- 16 Ummango ungaboni ukoma.
- 17 Ngitlhuvile, ngihihluukele umrula,
- 18 Iye, umtshadlho nomvilo
- 19 Ngihezi ngaphasi komtholo.
- 20 Gadesi uphi ummango?
- 21 Upfi wekhethu umlanjana
- 22 Ngisele amakhaza njengerhwaba?
- 23 Ngipholise ihloko eqaqamba njenezulu,
- 24 Iqaqamba inganaduma.
- 25 Ngithi upfi wekhethu umlambo
- 26 Ngisuse ukutjhisa nenyora?
- 27 Ngisele aphole njengesithundu sethwasa,
- 28 Kiwo ophakela imizi nemizana.
- 29 Ngitlhuvile, ngitlhewe umraga,
- 30 Lapha bekudla zabokhokho,
- 31 Inarha isese liphasi,
- 32 Iphasi lokuphila.
- 33 Isigume kwakusese mphako
- 34 Womkhambi akhambela ukubuya.
- 35 Imbicani nomsobo zisese sitjhebo sokulingana,
- 36 Ihloko isakhula nomzimba.
- 37 Iye, iinthebe zihlwa ziphuphuma,
- 38 Iye, imitlhodlho ihlwa imanzi,
- 39 Iye, unotlabalala arhanyulwa angaselwa.
- 40 Iye, ngitlhuvile, layizolo likude!

- 4.1 Tlola imihlobo EMIBILI yevumelwano emunyethwe mimida engenzasi.
*'Ngijamile ngithule ngithe du,
 Ngijame nje ngiyaqalaqala'* (2)
- 4.2 Ingabe imbongi ijamele ni lapha ijame khona ukuya ngekondlo engehla le? (1)
- 4.3 Dzubhula umuda osendimeni yobu-8 wekondlo le ositjela bona imbongi ihlulukele indawo lapha bekudla khona iinkomo zakwabo. (1)
- 4.4 Emdeni olandelako kuneseqamagama, tlola igama eleqiweko:
'Ngisele aphole njengesithundu sethwasa' (1)
- 4.5 Tlola umhlobo wesithombengqondo otholakala endimeni ye-7 ekondlweni le? (2)
- 4.6 Ngokuzwisa kwakho ikondlo le ingabe imbongi izama ukusihlathululela ini ngomuda olandelako:
'Imbicani nomsobo zisese sitjhebo sokulingana' (2)
- 4.7 Hlathulula indima eyayidlalwa lithando ngokuya ngekondlo le. (2)
- 4.8 Hlathulula bona ngimuphi umqondo olethwa yimbongi ngokusebenzisa imida elandelako:
*'Amahlathi nemimmango kuyile,
 Kuye akusabonakali nomfuyi'* (2)
- 4.9 Uyini umnqopho wembongi ngokusebenzisa ivumelwano-thoma emideni elandelako:
*'Ngithi uphi wekhethu umlambo
 Ngisuse ukutjhisa nenyora?
 Ngisele aphole njengesithundu sethwasa'* (1)
- 4.10 Ngiwuphi umlayezo esiwethulelwa yimbongi ngekondlo engehla le? (2)
- 4.11 Coca wenabe ngommoya ovezwa yimbongi ekondlweni engehla le. Sekela ipendulo yakho ngamaphuzu AMABILI. (2)

[18]

KANYE

UMBUZO 5

Fundisa ikondlo engenzasi bese uphendula imibuzo elandelako.

LICIMILE ILANGA – A Mnguni

- 1 Besihlezi kamnandi,
- 2 Sifukanyelete nguwe,
- 3 Singezwa amakhaza,
- 4 Singezwa lothe.
- 5 Gadesi akusese njalo,
- 6 Ilanga licimile,
- 7 Licimile ilanga.

- 8 Isitjhaba soke savelelwa,
- 9 Kwahlaluka bona angeze
- 10 Kwaphiliwa.
- 11 Inhliziyo zarhohlomela,
- 12 Zigubuzeswe budisi bephasi,
- 13 Amehlo asala amlambokazi.

- 14 Sizakulibala njani
- 15 Ilothe liziphe amandla nje?
- 16 Lizakukhandelwa ngubani
- 17 Isitjhaba sibuthakathaka nje?
- 18 Ngawe savuka ebuthongweni,
- 19 Ngawe indlela yakhanya,
- 20 Yakhanya kanye tere!
- 21 Sakwazi ukuphila, sagadanga
- 22 Siqale phambili umkhanyo ukhona.
- 23 Gadesi uphi?

- 24 Besihlezi kamnandi
- 25 Singazi bona liyokufika ilanga,
- 26 Ilanga ngitjho eliginya nelanga.
- 27 Isitjhaba sisale sisodwa.
- 28 Gadesi siyazi ngombana
- 29 Licimile ilanga.

5.1 Tiola ubukondlo obutholakala emudeni olandelako:

'Sakwazi ukuphila, sagadanga' (1)

5.2 Hlathulula ngephuzu ELILODWA indlela isitjhaba ebephila ngayo lokha ilanga lingakacimi. (1)

5.3 Ukuya ngendima yesi-2, ngiziphi izinto EZIMBILI ezenzeka ebantwini besitjhabesi ezikhombisa bona baphatheka kumbi khulu ngokucima kwelanga. (2)

- 5.4 Imbongi ingathekisa ikosi yesitjhaba nelanga elikhanyisako. Veza izenzo ezifanako phakathi kwamalanga amabili la. (2)
- 5.5 Tlola iinthombengqondo ezisetjenziswe emideni elandelako:
- 5.5.1 'Licimile ilanga.'
 - 5.5.2 'Ilanga ngitjho eliginya nelanga.' (2)
- 5.6 Dzubhula umuda osetjenziswe ekondlwani engehla osihlathululela bona isitjhaba salila iminyembezi ngokucima kwelanga. (1)
- 5.7 Ingabe imbongi izama ukusihlathululelani ngomuda olandelako:
'Ngawe savuka ebuthongweni' (2)
- 5.8 Ingabe izenzo neenkulomo zesitjhaba ezizwakaliswa ekondlwani engehla le, zisitjelani ngelanga elicimilekweli? Ipendulo ayibe liphuzu ELILODWA. (2)
- 5.9 Ngelihlo elibukhali coca ngommoya wekondlo engehla le. Ipendulwakho ayibe liphuzu ELILODWA. (2)
- 5.10 Tshwaya ngesifundo esilethwa yimbongi ngekondlo engehla le, uqalise esitjhabeni esisadoswa phambili makhosi. (2)

**IMITLOMELO YESIGABA C: 35
INANI LOKE: 70**